

Meðbyr ehf.
Birkiási 33
210 Garðabær

Reykjavík, 3. september 2020
UST202008-133/H.H.
09.07.01

Efni: Umsókn um leyfi - Utanvegahlaup Búrfell, búrfellsgjá og Selgjá

Umhverfisstofnun hefur móttengið umsókn Meðbyr ehf., dagsett 17. ágúst 2020, um leyfi fyrir utanvegahlaupi innan náttúruvættisins Búrfells, Búrfellsgjár og Selgjár.

Búrfell, Búrfellsgjá og Selgjá er friðlýst sem náttúruvætti sbr. auglýsingu nr. 687/2020. Óheimilt er að hrófla við, raska eða skemma jarðmyndanir innan náttúruvættisins nema til komi sérstakt leyfi frá Umhverfisstofnun og Garðabæ. Notkun fjarstýrðra loftfara er óheimil innan náttúruvættisins nema að fengnu leyfi frá Umhverfisstofnun. Afla skal leyfis Umhverfisstofnunar vegna skipulagðra viðburða og verkefna sem kalla á jarðrask, aðstöðu, mannafla eða meðferð tækja innan verndarsvæðisins, s.s. vegna kvikmyndagerðar, listviðburða og samkomuhalds.

Lýsing verkefnis:

Óskað er eftir leyfi til að halda utanvegahlaup þann 27. september 2020 við Búrfell. Hlaupið verður ræst við Vífilstaðavatn og þátttakendur hlaupa þaðan að Búrfellsgjá og hringinn í kringum Helgafell. Engin mannvirki verða sett upp fyrir utan keilur og borða til að leiðbeina hlaupurum. Notast verður við sendibíla og önnur minni ökutæki til að koma keilum og öðrum búnaði til mótshalds, en ekki verður keyrt utan vegar. Um 500 hlauparar munu taka þátt í hlaupinu sem mun eingöngu fara fram á merktum stígum og vegum.

Áhrifamat:

Umhverfisstofnun telur að verkefnið muni hafa tímabundin neikvæð áhrif á svæðið en þau áhrif eru afturkræf. Umhverfisstofnun bendir á mikilvægi þess að ekki sé hlaupið uppá Búrfellsgjá, gígbrúnnin er mjög viðkvæm sökum traðks og skemmda og mun hlaup á þessari stærðargráðu hafa óafturkræf neikvæð áhrif á það svæði. Umhverfisstofnun leggur til að hlaupið verði eftir svokallaðri Kaldárselsleið til að forðast álag á Búrfellsgjá. Tímabundin truflun verður fyrir gesti á svæðinu á meðan hlaupið stendur yfir.

Skilyrði:

Umhverfisstofnun veitir Meðbyr ehf., fyrir sitt leyti leyfi fyrir utanvegahlaupi innan náttúruvættisins Búrfells, Búrfellsgjár og Selgjár sbr. lýsingu hér að ofan 27. september 2020 að undanskildri tillögu að hlaupaleið á gígbarmi Búrfellsgjá að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.

- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Fjöldi hlaupara skal ekki fara yfir 500.
- Virða skal umgengnisreglur sem gilda um svæðið.
- Stjórnendur viðburðarins skili til Umhverfisstofnunar, a.m.k. viku áður en keppni hefst, áætlun um það hvernig staðið verði að framkvæmd keppinnar. Í áætlun skal m.a. koma fram, fjöldi þátttakenda og hvernig staðið verði að frágangi að viðburði loknum.
- Gestir svæðisins verði upplýstir um hlaupið á bílastæðum við Vífilstaðavatn, Káldársel og Búrfell.
- Aðstandendur viðburðarins tryggi að ekki verði skilinn eftir neinn úrgangur á víðavangi, hvorki á eða við hlaupaleiðir. Einnig að tryggt verði að merkingar sem notaðar verða við að merkja hlaupaleiðina verði fjarlægðar strax að viðburði loknum.
- Þátttakendur taki tillit til annara gesta svæðisins á þeim vegum/stígum sem viðburðurinn fer fram.
- Stjórnendur viðburðarins upplýsi þátttakendur um mikilvægi þess að halda sig á merktri hlaupaleið til að koma í veg fyrir rask á viðkvæmum gróðri og jarðminjum.
- Allur akstur utan vega er bannaður.
- Starfsmenn verkefnisins gangi snyrtilega um svæðið og forðist allt rask og þess gætt að allur úrgangur verði fjarlægður.
- Einungis skal hlaupið á merktum göngustígum, þar sem hlaupaleið er óskýr skal umsjónaraðili sjá til þess að merkingar séu skýrar svo ekki myndist villustígar á svæðinu.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Leyfi landeigenda og/eða sveitarfélags gæti þurft fyrir verkefninu.

Umhverfisstofnun bendir á að fara þurfi eftir gildandi sóttvarnareglum.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir er kr. 39.400.- sbr. 24. gr. b. gjaldskrá Umhverfisstofnunar nr. 535/2015.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllt

Hildur Hafbergsdóttir

Hildur Hafbergsdóttir
sérfræðingur

René Biasone

René Biasone
sérfræðingur